

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

X.

[urn:nbn:de:bsz:31-122751](#)

quam decretum est, esse Theologorum audiētā sententiam, & cum iſis im-
pedimentis, quæ Magistratum nostrum hactenus abſteruerunt, consultandum; sed
& hæc deliberatio, bono, ut arbitror, consilio ad tediūm Dn. parentis rejecta eſt.
De ceteris rebus, frater M. Ulricus, vice prolixæ epistole erit, ideoque ipſe nunc ſum
breuior. Unum tamen hoc addo, ſententiam tuam de lege generali ſtatutis inſeren-
da, quam mihi legendam M. Ulricus exhibuit, vehementer mihi probari, & propter
veritatem, & propter libertatem. Non autem dubito, te, dum iſta ſcriberes, de no-
stra Schola multum cogitasse, qua certè exemplis incommodorum abundat, quæ ex
neglectu hujus legis oriuntur. Atque utinam DOMINUS nostri etiam aliquando
miſereatur, ut de religione concordes efficiamur. Et ſanè melior hac in parte no-
ſtri Magistratus eſſet conditio, qui jubere & præscribere posset abſque contradic-
tione cujusquam. Sed noſtri nolunt; Vester illuſtris Elector ab iis, à quibus minime
debebat, ut video, impeditur. Bene in DOMINO, reverende vir, vale. & frater
chariss. Argentor. 4. Aprilis, 1580.

Tuus frater in DOMINO

Joh. Pappus.

Inſcriptio.

Reverendo & clarissimo viro, pietate, doctrina & virtute excellenti,
D. Philippo Marbachio, S. Theologie Doctori & Professori in
indita Academia Heidelbergensi, Domino, amico & fratri ſuo
charifimo.

X.

(Philippo Marbachio.)

S. D. Reverende & Clarissime Vir.

Etsi quotidie redditum tabellarii noſtri expetabam, tamen oblata denuò
& certi hominis ſtati ad nos reversuri facultate, rursus ſcribendum duxi,
& mittendam appendicem pagellarum de ecclesiis Græciæ & rebus Byzan-
tinis, quam ſuperioribus diebus Constantinopoli accepi; in qua eti histoi-
ria Regum Perficorum mihi grata eſt, tamen multo majori volupitate animum
meum afficit, quod narrationes de ecclesiis Græciæ & Asiae, in Oratione mea
expositas, ~~adiuva~~ testis aſſeveratione confirmari video. Scribit ad me D.
Heshusus, & filium, M. Godfridum, qui Ethicam & Rhetoricam & alia,
Helmstadiae tradidit, & aliquoties in Disputationibus publice respondit, Ele-
ctori Palatino commendari petit, ut inter artium Professores iſthic locum ha-
beat

beat. Fortè autem magisci obesset, quam prodesset mea commendatio. Cù n
verò juvenis illius ingenium Scholæ vestræ usui fore non dubitem, oro, ut
consilium mihi tuum imperrias. Utinam Collegas in omnibus facultatibus,
nostræ confessioni ~~deus~~, & scholæ salutares habereris. Nuper ex te
~~mei~~ quæsivi, cuius benevolentia & fidei præcipue fidendum existima-
res. Julio Micyllo, si videtur, epistolam Constantinopolitanam exhibebis, &
de Cl. patris tui valetudine, & tōto Academiæ & ecclesiæ Argentinensis &
Heidelbergensis statu, ea, quæ scire amico licet, mecum communices. Beas
vale. Idibus Aprilis, Anno 1580.

David Chyträus.



XI.

Gratissimæ fuerunt mihi literæ tuæ, & eruditè scriptæ & plenæ huma-
nitatis, & proinde cupio tecum literarum commercium initum porrò
fovere, idque propter commune ministerium & communionem sanctam con-
siliariorum & actionum. Quanquam adserre ego nihil possum, quo tu juveris,
sudans & satagens in opere Domini, præter orationem, qua pia tua studia pro-
sequi meritè debo. Scriptum tuum adversus Sturmum vidi & legi, ac vi-
deo te justis causis impulsum ad scribendum & præstare judicavi, à te refutari
calumnias, quām ut fieret à Pappo, quo Ecclesia & Schola Argentinensis minus
haberet turbarum. Sed & nunc etiam Pappus ipse in arenam descendit, qui
non incommodè quædam ad causæ solidiorem cognitionem adducit, quæ
cordatis satisfacient, affectu autem & præjudicio præoccupatis cavillandi præ-
bebunt materiam. Prodituros enim libellos conjicio, quibus vir optimus
egregiè flagelletur. Sed vincet tamen veritas. Magnum solidumque con-
sensum esse in principatu vestro audio, quem Dominus Jesus confirmet & con-
servet. In Saxonia, Marchia & aliis locis magis magisque in lucem proferri
salutis mysteria constat, nec tamen desunt remora. Sed sic cribra oportet
nos, ut probè excutiatur & examinetur pietatis doctrina & probati manifesti
fiant. Pluribus per valetudinem adversam non possum. Quare commendō
te gratiæ DEI & me tuis precibus. Basileæ 7. Aprilis, Anno 80.

T. ex animo

S. Sulcerus.

Iii

Inscri-